

## Siunnersummut oqaaseqaatit

### **Nalinginnaasunik oqaaseqaatit**

#### **1. Aallarniut**

Aningaasanut inatsisip 2022-imut akuersissutigineqarneranut atatillugu immikkoortitsisoqarpoq 15 mio. kr.-inik 2022-imi atorneqartussanik 2023-ilu aallarnerfigalugu ukiumoortumik 30 mio. kr.-inik, ukiumoortunik utoqqaat atugaasa pitsangorsarneqarnissaannut. Aningaasaliissutit atorneqassapput utoqqalinersiallit aamma siusinaartumik pensionisiallit pisartagaasa pitsangorsarneqarnerinut.

Utoqqalinersiutillit suli amerlanerujartortut pitsaasumik inuuneqarput soraarnerussutisiassaminnillu katersisarnermikkut, nammineerlutik ileqqaagaqarnermikkut imaluunniit suliffeqarlutik aningaasarsiorermikkut naammaginartumik aningaasaqarlutik. Taamaakkaluartorli suli utoqqaat amerlasuut aningaasanik tigoriaannarnik annikitsuaraannarnik pigisaqartarput. Pingaaruteqarpoq qularnaassallugu utoqqaat tamarmik minnerpaaffissalimmik inuuniarnermikkut atugaqarnissaat, taamalu utoqqalinersialinnik piitsunik peqannginnissaa. Ilutigisaanillu pingaaruteqarpoq qularnaassallugu utoqqalinersialittut utoqqaanerup naammaginartumik inuuneqarfiusinnaanera inuussutissarsiuteqartutulli. Inuaqatigiit kalaallit inuit taakkua akiligassaqarfigaat, inuunermi inuussutissarsiorfiusukkut sulillutik inuaqatigiinnut uagutsinnut pilersissimasaat eqqarsaatigalugit, taamalu toqqisisimanartumik inuuneqarsinnaaqqullugit, aamma aningaasaqarnermikkut.

Naalakkersuisut maanna utoqqarnut periusissiamik suliaqaleruttorput aallaaveqartumik utoqqartut pitsaasunik ajunngitsumillu inuuneqarnissamik, utoqqalinersianillu pitsangorsaanissaq utoqqarnut periusissiassami aggersumi ilaavoq.

#### **2. Siunnersummi immikkoortut pingaarerit**

Siunnersummi matumani utoqqalinersiaqartitsinermi aamma siusinaarluni pensionisiaqartitsinermi inatsisinik allannguisoqarpoq. Inatsisartut utoqqalinersiaqarnermut inatsisaanni utoqqalinersiat toqqammaviusut qaffanneqarput, siusinaarlunilu pensionisiaqartitsinermi siusinaarluni pensionisiat qaffasinnerpaat annertussusiat qaffanneqarlunilu siusinaarluni pensionisanik qaqugukkut ilanngaassisooqarnissaanut aningaasartaasat killiliussat qaffanneqarluni.

##### **2.1. Utoqqalinersianut tunngaviusut qaffanneqarneri**

Siunnersuutikkut utoqqalinersialinnut tamanut atuuttumik utoqqalinersiat tunngaviusut qaffanneqarput. Utoqqalinersiat tunngaviusut qaffannerisigut periarfissaavoq utoqqalinersiaqartunut tamanut isertitat tunngaviusut qaffannissaannut, illugiilluni pilersuisuunissamut pisussaaffik sunninngikkaluarlugu. Taamaasilluni utoqqalinersiat innuttaasunut tamanut 384.000 kr.-it angullugit isertitaqartunut qaffanneqassapput.

Siunnersuutikkut aningaasat tunngaviusut qaffanneqassapput ukiumut 64.239 kr.-iniit (2020 - imi annertussutit) ukiumut 73.239 kr.-inut (2021-imi annertussutsit). Pisortat utoqqalinersianut tunngaviutitaat taamaasillutik qaammammut 750 kr.-inik, imaluunniit ukiumut 9.000 kr.-inik qaffanneqarput. Qaffaatit kisimiittunut aamma utoqqalinersialinnut inooqatigiittunut atuupput.

2.2. Siusinaartunik pensionisialinnut akiusut aamma aningaasat ilanngaateqanngitsumik tigummiinnagassat qaffannerat

Siunnersuutikkut aammattaaq qaffanneqarput siusinaartumik pensionisiat qaffasinnerpaat, pensionisialinnut sulisinnaassuseqannginnerpaanut tunniunneqartartut.

Siunnersuutikkut siusinaartunik pensionisiat qaffasinnerpaat aningaasartaat taamaasillutik qaffanneqassapput 118.680 kr.-iniit (2021-imi annertussutsit) 124.340 kr.-inut, (2022-imi annertussutsit). Pisortat utoqqalinersiaqtitsinermi tunngaviutitaat taamaasillutik qaammammut ataatsimut naatsorsorlugit 470 kr.-inik imaluunniit ukiumut 5.660 kr.-inik qaffanneqassapput.

Tamatumalu saniatigut qaffanneqassapput siusinnaartumik pensionisiaqartup taassumalu aappaqaruni aappaata namminneq isertitarisinnaasaat ilanngaassisoqannginnerani pensionisiassaniit 28.000 kr.-iniit ukiumut 10.000 kr.-inik (2021-imi annertussutsit) 38.000 kr.-inut (2022-imi annertussutsit).

### **3. Pisortanut aningaasaqarnikkut aamma allaffissornikkut kingunerisassai**

Aningaasartuutissat utoqqalinersiallit siusinaartumillu pensionisiallit tigusartagaasa qaffanneqarneri aningaasaliiffigineqassapput 33,3 %-inik siusinnaartumik pensionisialinnut aamma 66,7 % -inik utoqqalinersialinnut. Naleqassapput 2022-imi 15 mio. kr.-inik 2023-ilu aallarnerfigalugu ukumoortumik 30 mio. kr.-inik.

Siusinaartumik pensionisianut aamma utoqqalinersianut qaffaanikkut aningaasartuutaanerusussat 2022-imi aamma 2023-imi.

<b>Utoqqalinersiat - Pensionit</b>	<b>2022</b>	<b>2023</b>
Utoqqalinersiallit – angerlarsimaffiup avataani sivisunerusumik najugaqarnikkut	0,9 mio. kr.	1,8 mio. kr.
Utoqqalinersiallit – aningaasat tunngaviusut qaffanneqarneri	8,75 mio. kr.	17,5 mio. kr.
Siusinaartumik pensionisiat – sivisunerusumik najugaqarnikkut	0,5 mio. kr.	1 mio. kr.
Siusinaartunik pensionisiat – pensionisiat qaffaataat, kiisalu nammineq isertitarisinnaasat qaffaataat 10.000 kr.	4,5 mio. kr.	9 mio. kr.
Aningaasartuutit ataatsimut	14,7 mio. kr.	29,3 mio. kr.

Aaqqissuussineq naatsorsuutigineqanngilaq allaffissornikkut kommuninut kinguneqartussatut, akiusut ullumikkut kommunini atorneqartut piovereerut qaffanneqarmata.

### **4. Aningaasaqarnikkut aamma allaffissornikkut inuussutissarsiortunut kingunerisassai**

Siunnersuut aningaasaqarnikkut imaluunniit allaffissornikkut inuussutissarsiortunut kinguneqartussaanngilaq.

### **5. Avatangiisirut, pinngortitamut innuttaasullu peqqissusianut kingunerisassai**

Siunnersuut avatangiisirut, pinngortitamut aamma innuttaasut peqqissusianut kinguneqartussaanngilaq.

### **6. Innuttaasunut kingunerisassai**

Siunnersuutikkut utoqqalinersiallit tamarmik aningaasaqarnermikkut atugaat pitsangorsaavigineqassapput akiliutit tunniunneqartartut tunngaviusut qaffanneqarnerisigut. Tamatumalu saniatigut siunnersuutikkut siusinaartumik pensionisiallit aningaasaqarnermikkut atugaat pitsangorsaavigineqassapput, siusinnaartumik pensionisiallit appasinnerpaamik sulisinnaassuseqartut tigusartagaasa qaffanneqarnerisigut. Tamatumalu saniatigut siunnersuut siusinnaartumik pensionisialinnut qaffasinnerpaamik tigusaqartartunut suliffeqarnermikkut

isertittagaat ilanngaassisoqannginnerani qaffasinnerusinnaalissapput, ilanngaassinertaqanngitsunik, tamannalu nammineq immikkut sulinissamik soqtiginarnerulersitsissaq.

### **7. Allatigut kingunerisassai pingaaruteqartut**

Naatsorsuutigineqanngilaq siunnersuut pingaaruteqartunik allanik kinguneqassasoq.

### **8. Tusarniaaneq**

Siunnersuut piffissami 21. december 2021-imiit - 10. januar 2022-p tungaanut, [www.naalakkersuisut.gl](http://www.naalakkersuisut.gl), -imi tusarniaanermut nittartakkakkut tamanut saqqummiunneqarsimavoq, tusarniaavigisassanilu arlalinni, piffissami tamatumani tusarniaassutigineqarsimalluni. Tusarniaaneq aammalu tusarniaanermut akissutit tugineqarsimasut pillugit ilanngussaq 2-mut innersuussisoqarpoq.

**Siunnersuummi aalajangersakkanut ataasiakkaanut oqaaseqaatit****§ 1-imut**

Nr. -1-imut

Aalajangersakkami tassani aalajangersarneqarpoq aningaasat tunngaviusut 2022-imikisitsisit tunngavigalugit 73.239 kr.-inik annertussuseqartut.

**§ 2-mut**

Nr. 1-imut

Imm. 2-mut

Aalajangersakkami aalajangiunneqarpoq siusinaartumik pensionisiaqartumut 0-imiit 25 pct.-imut sulisinnaassuseqartumut siusinaartumik qaffasinnerpaanik pensionisiassat akilerneqartussat naatsorsorneqartut 124.340 kr.-inut, kisitsisit 2022-imut atorlugit.

Isertitaanik tunngavilimmik siusinaartumik pensionisiassat taamaallaat akigititat eqqaaneqartut atorlugit akilerneqartussaapput, tamakkiisumik siusinnaartumik pensionisiaqarnissamut atugassaritaasut naammassineqarsimappata. Siusinaartunik pensionisiaqartup piumasaqaataasut tamakkiisumik pensionisiaqarnissamut naammassisimanngippaglit taarsiullugu akiliuteqartoqassaaq siusinaartumik pensionisiaqartarnermut Inatsisartut inatsisaanni § 7 naapertorlugu.

Imm. 3-mut

Aalajangersakkami aalajangersarneqarput isertitanut killiliussat suut tunngavigalugit siusinaartumik pensionisiassat akilerneqartussat apparneqartussaanersut.

Siusinaartumik pensionisiat apparneqassapput siusinaartumik pensionisiaqartup aappaqarpallu aappaasup ataatsimut piffissami pineqartumi isertitaat, eqqaassanngikkaanni Nunani Avannarlerni isumaqatigiissutaasut naapertorlugit isumaginninnikkut sillimmasiissutit, 38.000 kr.-it qaangersimagaangatigil. Aappaqarpat aappaasup isertitai siullit 100.000 kr.-it isertitanut tamarmiusunut ilangunneqassanngillat.

Oqaaseqaatit itisilerutaasut inuit kikkut “aappaasutut” isigineqartussaaneri eqqarsaatigalugit innersuunneqassaaq siusinnaartumik pensionisiaqartitsisarneq pillugu inatsimmi § 4-mut, tassungalu atatillugu oqaaseqaatinut.

**§ 3-mut**

Aalajangersarneqarpoq Inatsisartut inatsisaat atortuulissasoq ulloq 1. juli 2022.

**Bilag 1**

<b>Inatsisissatut siunnersuut inatsimmut atuuttumut sanilliullugu</b>	
<i>Oqaasertat atuuttut</i>	<i>Inatsisissamut siunnersuut</i>
	<p style="text-align: center;"><b>§ 1</b></p> <p>Utoqqalinersiaqarneq pillugu Inatsisartut inatsisaat nr. 20, 23. november 2015-imeersumi, tak. Namminersorlutik Oqartussat inatsimmut nalunaarutaat nr. 9, 28. februar 2020-imeersoq, allanngortinneqartoq Inatsisartut inatsisaatigut nr. 7, ulloq 19. november 2021-imeersukkut, imaattunik allannguiteqassaaq:</p>
” § 9. Toqqammaviusumik aningaasartat ukiumut kr. 59.900-t angullugit annertussuseqarput.”	<p><b>1.</b> § 9, imm. 1 imatut oqaasertalerneqassaaq: ”Utoqqalinersiat toqqammaviusut ukiumut 73.239 kr.-it angullugit annertussuseqarput.”</p>
	<p style="text-align: center;"><b>§ 2</b></p> <p>Siusinaartunik pensionisiat pillugit Inatsisartut inatsisaat nr. 40, ulloq 9. december 2015-imeersoq, tak. Namminersorlutik Oqartussat inatsimmut nalunaarutaat nr. 8, ulloq 14. Juli 2021-imeersoq, allanngortinneqartinneqartumi Inatsisartut inatsisaatigut nr. 8, ulloq 14. Juli 2021-imeersukkut, imaattunik allannguiteqartitsisoqassaaq:</p>
” Imm. 2. Siusinaartumik pensionisiat qaffasinnerpaat imm. 1 naapertorlugu ukiumut 110.664 kr.-inik annertussuseqarput. ”Imm. 3. Siusinaartumik sulisinnaajunnaarnersiutit appartinneqassapput siusinaartumik sulisinnaajunnaarnersiuteqartoq aammalu taassuma aapparisaata ukiumoortumik isertitai, tamatumani ilanngunnagit siusinaartumik sulisinnaajunnaarnersiutit, utoqqalinermi pensionisiat aammalu Nunani Avannarliit akormanni isumaginninnikkut Isumaqtigissut naapertorlugu 28.000 kr.-it sinnerpagit. Aapparisaqarsimagaanni taassuma isertitai siullit 100.000 kr.-it ilanngunneqassanngillat.	<p><b>1.</b> § 17, imm. 2 aamma 3 imatut oqaasertalerneqassaaq: ” Imm. 2. Siusinaartunik pensionisiat qaffasinnerpaaffiat ukiumut annertussuseqarput 124.340 kr.-it angullugit. Imm. 3. Siusinaartunik pensionisiat apparneqassapput siusinaartunik pensionisiaqartoq aappaqarpallu taassuma aappaata ukiumut ataatsimut piffissami pineqartumi isertitaat siusinaartunik pensionisiat, utoqqalinersiat aamma pensionisiat Nunani Avannarlerni isumaginninnikkut sillimmasiisarnernik aaqqissuussinerit naapertorlugit 38.000 kr.-it qaangersimagaangatigit. Aappaqaraanni apparisap isertitaani 100.000 kr.-it siullit</p>

	ilanngullugit naatsorsuunneqassanngillat. ”
	<b>§ 3</b> Inatsisartut inatsisaat una atortuulissaaq ulloq 1. juli 2022.

Ilanngussaq 2

## **Tusarniaanermut akissutit pillugit allakkiaq**

Siunnersuut tusarniaassutigineqarsimavoq piffissami 21. december 2021-miit 10. januar 2022-p tungaanut. Tamatuma saniatigut siunnersuut piffissami tamatumani tusarniaasarnernut nittartakkami [www.naalakkersuisut.gl](http://www.naalakkersuisut.gl) -imi tamanut saqqummiunneqarsimavoq.

**Siunnersuut tulliuttunut tusarniaassutigineqarsimavoq:** Naalakkersuisut Siulittaasuata Naalakkersuisoqarfia, Nunalerinermut, Imminut Pilorsornermut, Nukissiuuteqarnermut Avatangiisinullu Naalakkersuisoqarfik, Aningaasaqarnermut Naalakkersuisoqarfik, Ineqarnermut, Attaveqaqatigiinnermut Naligiissitaanermullu Naalakkersuisoqarfik, Nunanut Allanut, Inuussutissarsiornermut, Niuernermut Silaannaallu Pissusaanut Naalakkersuisoqarfik, Aalisarnermut Piniarnermullu Naalakkersuisoqarfik, Peqqissutsimut Naalakkersuisoqarfik, Isumaginninnermut Suliffeqarnermullu Naalakkersuisoqarfik, Aatsitassanut Naalakkersuisoqarfik, Ilanniartitaanermut, Kultureqarnermut, Timersornermut Ilageeqarnermullu Naalakkersuisoqarfik, Isumaginninnermut Aqutsisoqarfik, Avannaata Kommunia, Kommune Qeqortalik, Qeqqata Kommunia, Kommuneqarfik Sermersooq, Kommune Kujalleq, Isumaginninnermut Naammagittaalliuteqartarfik, Siusinaartunik pensionisiaqarnermut Naammagittaalliuteqartarfik, Inuit Pisinnaatitaaffinut Kalaallit Nunaata Siunnersuisoqatigiivi, Inuit Pisinnaatitaaffii pillugit Instituti, Meeqqat Oqaaseqartartuat MIO, Kalaallit Meerartaat, MIBB (Meeqqat inuunerat pitsaanerusoq), Sorlak (Meeqqat Inuuusutuaqqallu Kalaallit Nunaanni Siunnersuisoqatigiivi), Innarlutillit Oqaaseqartartuat Tilioq, INOOQAT (Kalaallit Nunaanni ineriartornikitsunut angajoqqaat peqatigiiffiat), Nunatsinni Inuit Innarlutillit Kattuffiat, ISI (Tappiitsut isigiarsuttullu Kalaallit Nunaanni peqatigiiffiat), KTK (Kalaallit Nunaanni tusilartut peqatigiiffiat), Nunami Tamarmi Peqatigiiffik Autisme, Kalallit Nunaanni immikkoortortaq, Kattuffik Utoqqaat Nipaat, Angajoqqaqatigiit, KNIPK (Kalaallit Nunaanni Innarlutillit Peqatigiiffiat), Sugisaq, Røde Kors Kalaallit Nunaat, Sulisitsisut (GE), SIK, Kalaallit Illuutaat, Aarhus, Odense-mi Kalaallit Illuutaat, Aalborg-imi Kalaallit Illuutaat, København-imi Kalaallit Illuutaat.

### **Tulliuttut tusarniaanermi akissuteqarsimapput:**

Qeqqata Kommunia, Avannaata Kommunia, Tilioq, KNIPK aamma SIK.

### **Tusarniaanermut atatillugu aallarniutitut oqaaseqaatit**

Tusarniaanermut akissutigineqartut ikkussuunerannut atatillugu paasineqarpoq, siusinaartumik pensionisiaqalertarneq pillugu Inatsisartut inatsisaanni § 17, imm. 3 pillugu allannguutissatut siunnersuummi § 2-mi kukkuneqartoq. Siunnersuut tusarniaassutitut nassiunneqartoq tulliuttumik § 17, imm. 3 suli oqaaseqatigiit pingajuannik ilaqluni imaattunik imaqarpoq:

”kr. 400.000-it ataallugit isertitaqarnermi, pensionisiat apparneqarsinnaanngillat siusinaartumik pensionisiat qaffasinnerpaartaasa 20 pct.-ia ataallugu, siusinaartumik pensionisialik nammineq saniatiguunik isertitaqanngippat, taamaattoq imaalillugu kr. 400.000-it sinnerlugit isertitaqaraanni siusinaartumik pensionisiat peerneqassallutik.”

Taamaattoq taakku oqaaseqatigiit pingajui siusinaartumik pensionisiaqalertarneq pillugu Inatsisartut inatsisaata nr. 40, 23. november 2017-imeersup akuersissutigineqarneranut atatillugu § 17, imm. 3-miit peerneqarnikuupput.

Taamaattumik kukkuneq Inatsisartunut saqqummiunneqartumi siunnersuummi iluarsineqarpoq. Tamatumunnga atatillugu, taamaallaat aalajangersakkap ilameranganik peersisoqnera pissutigerpiarlugu, nutartikkamik tusarniaasoqqaartariaqanngikkaluartoq, taamaalillunilu, tusarniaavagineqartut oqaaseqarfingissallugu periarfissaqarfinginngisaannik, siunnersuummi nutamik ikkussisoqartussaanngimmat, taamaaliortoqarsinnaasoq Naalakkersuisoqarfiup naliliinerivaa.

### **Tusarniaanermut akissutit:**

Tusarniaanermit akissutigineqartut tamakkiisumik issuarneqartarput, Naalakkersuisoqarfiullu taakkununnga oqaaseqaataat *uingasunik allanneqartarlutik*.

#### **1. Qeqqata Kommunia**

Oqaaseqaatit tusarniaanermut Utoqqalinersiaqarneq pillugu Inatsisartut inatsisaata allanngortinnejarnissaanut aamma Siusinaartunik pensionisiaqarnermut Inatsisartut inatsisaata allanngortinnejarnneranut atatillugu.

Utoqqalinersiat tunngaviusut qaffanneqarnissaannik, kiisalu siusinaartunik pensionisiat qaffasinnerpaaffiata, aamma ilanngaasiiffingineqarneq sioqquillugu saniatigut aningaasarsiarineqarsinnaasut qaffanneqarnissaannik siunnersuut Qeqqata Kommuniata ilalerpaa.

Kalaallit Nunaanni tamarmi inuuniarnermut aningaasartuutit qaffasinneri eqqarsaatigalugit utoqqalinersialinnut aamma siusinaartunik pensionisialinnut atugassaritaasut pitsangorsarnejarnissaat Naalakkersuisut siunnerfigimmassuk Kommunip nuannaarutigaa.

Taamatuttaaq maannamut aaqqissuussinermiit qaffasinnerusunik siusinaartunik pensionisiallit 10.000 kr.-inik isertitaqnerusinnaalernergarmata, tamannalu siusinaartumik pensionisialinnut sulinerunissamut kaammattuutaassammat Kommunip nuannaarutigaa.

Kommune siunnersummut allanik oqaaseqaateqanngilaq.

*Akissut: Naalakkersuisoqarfiup tusarniaanermi akissutaasut qujassutigai.*

#### **2. Avannaata Kommunia**

Utoqqalinersiaqarneq pillugu Inatsisartut inatsisaata allanngortinnejarnissaat pillugu Inatsisartut inatsisissaanut, aamma siusinaartumik pensionisiat pilligit Inatsisartut inatsisaata allanngortinnejarnissaanut 21. december 2021-imeersumut siunnersummut Avannaata Kommuniata oqaaseqaatai.

Oqaaseqaatit nalinginnaasut:

Ingammik piffissami tusarniaaviusumi juullip ukiortaallu inissisimaneri isigniaraanni, inatsisiliornermut taamak pingaaruteqartigisumut tusarniaanermi piffissaliunneqartoq naapertuilluanngitsumik sivikippallaartoq, Avannaata Kommuniata nalilerpaa.

*Akissut: Piffissaliussap sivikinneranut atatillugu siunnersuutip oqaaseqarfigisassatut nassiunneqartup 2022-imut aningaasanut inatsisisamut isumaqatigiinniutigineqarneranut atasuunera, taamaattumillu pisariaqarsimalluni siunnersuutip 2022-imi upernaakkut ataatsimiinnermi saqqummiussassatut suliarineqarnissaq isiginiarneqassaaq, utoqqalinersialinnut siusinaartunillu pensionisialinnut amerlasuunut nuannaarutaasussanik tapiissutit qaffasinnerusut 1. Juli 2022-imiit atuutilersinneqarnissaat periarfissaatikkumallugu.*

*Taamaattumik inatsisilerinermut teknikkikkut tusarniaasoqarsinnaaneralu il.il. eqqarsaatigalugit inatsisiliornerit suliarineqartarnerannut siunnersuutip aqqutissaasigut naammassillugu suliarineqarsinnaanissaq periarfissaatikkumallugu, siunnersuut sivikillisamik piffissaliilluni tusarniaassutiginissaanut nassiunneqarnissaq pisariaqarsimavoq. Taamaanngippat siunnersuut aatsaat 2022-imi ukiakkut ataatsimiinnermi saqqummiunneqarsinnaassagaluarpoq, tamatumalu kingunerissagaluarlugu utoqqalinersialinnut pineqartunut akiusut appasinnerusut suli ukiup affaani atuutissagaluarlutik.*

*Kiisalu ilanngullugu erseqqissaatigineqassaaq siunnersuut taamaallaat akigititanut aalajangersakkani atuutereersuni taamaallaat allanngortitassaammat.*  
 Inatsisisatut siunnersuut immikkoortunut marlunnut, tassa imasillugu utoqqalinersialinnut inatsisisatut siunnersummut aamma siusinaartunik pensionisialinnut inatsisisatut siunnersummut avinneqartariaqartoq Avannaata Kommuniata nalilerpaa, uani inatsisinut immikkoortunut marlunnut allannguutissatut siunnersuutit pineqarmata, soorluttaaq suliassaqarfinnut marlunnut ataatsikkut inatsisiliortoqarnerani maleruagassat akuleruttoorneqarsinnaaneri imaluunniit arlaannik takkuitsuusoqarsinnaanera, aarlerinaateqarsinnaasoq.

*Akissut: Siunnersuutigineqartoq atorneqanngilaq, uani pineqarmata Utoqqalinersiaqarneq pillugu Inatsisartut inatsisaat aamma Siusinaartunik pensionisiaqarneq pillugu Inatsisartut inatsisaat 2022-imut aningaasanut inatsisisamut siunnersuutip suliarineqarneranut atatillugu, taamalu ataatsimoortillugit saqqummiukkumaneqarmata.*

*Tamatumalu saniatigut eqqaaneqassaaq ulloq 1. juli 2019 inatsisilianut nalunaarutit pillugit piumasagaataasunut kaajallaasitaq naapertorlugu Naalakkersuisoqarfiit tamarmik inatsisit allannguutaannik akuersissuteqarnertigut inatsimmut nalunaarummik suliaqartussaasut piumasagaataalersimammat, imaalillugu inatsit atuuttuusoq, tassa inatsit tunngaviuvoq pingarneq akuersissutigineqqaarnikoq kingusinnerusukkut allannguutinik tamanik imaqartumik ataatsimoortutut nalunaarutitut takuneqarsinnaasartussaasoq.*

Inatsisisanut siunnersuut aamma immikkullarissumik inatsisisatut siunnersummut oqaaseqaatit suliat assut tuaviunneqarsimanerannik ersarisumik ersersitsippu. Ilutigisaanillu inatsisisamut siunnersummut oqaaseqaatini oqaaseq atorneqarpoq “utoqqarnut tunngasumik periusissialiassaq aggersoq”, tamannalu ilisimaaraluni suliassaqarfimmi allannguutinik naatsorsuutigineqartariaqartoq.

Suliassaqarfinni tamakkunani manna tikillugu allannguutinik iluarsiinernillu amerlasuunik suliaqartoqartarsimavoq.

*Akissut: Piffissami matumani utoqqarnut tunngasumik suliassaqarfimmut periusissiaq suliarineqarpoq. Kisiannili taassuma atuutilersinneqarumaarnera suli allannguutinik allanik*

*aamma kinguneqassasoq naatsorsuutigineqassanersoq pisariaqartutut, soraarnerussutisiaqartitsinermut atatillugu, taamaassappallu aamma qauguussanersoq suli siumoortumik oqaatigissallugu ajornarpoq.*

Soraarnerussutisiaqarnermut inatsisit arlariit pineqartut allaffissornikkut suliassartaat, minnerunngitsumik siusinaartunik pensionisiaqarneq pillugu inatsit assut sulisunik atuiffiusartut Kommunit misilittagaraat. Taamaattumillu nutarterisoqarlunilu inatsisinik atuuttunik pisariinnerulersitsisoqarnissa kissaatigineqarluni. Inatsimmik allannguinerit tamarmik aamma kinguneqartuaannartarpuit innuttaasut saaffiginnissutaasa amerleriarnernik, paasissutissinneqarnissanik kissaateqartoqartarmat inatsisit allannguutaat innuttaasunut ataasiakkaanut qanoq kinguneqartussaanersut.

*Akissut: Inatsisinik allannguinerit tamarmik kinguneqartassasut piffissami sivikinnerusumi saaffiginnittartut amerlanerulerternenik, tamannalu ulluinnarni sulianik ingerlatsinerup ilaautut nalinginnaasutut isigisariaqartoq Naalakkersuisoqarfiup naliliineraa.*

Inatsisitigut allannguutissat siunnersuutigineqartut aammattaaq innuttaasunut akiliutaasartut allatigut, assersuutigalugu ineqarnermut tapiissutini aamma meeqlanut tapiissutini apparneqartarnerannik, tamannalu aamma kommunini suliassat annertunerulerternenittaaq kingunerisussavaat.

*Akissut: Ilisimallugulu isertitat qaffasinnerulerterneri tapiissutitut akiliutini allani annikinnerulersitsinernik kinguneqartussaasartut Naalakkersuisoqarfiup eqqumaffigaa. Tamatumunnga atatillugu oqaatigineqassaaq tamanna ilanngullugu inatsisiiornerit nutarterlugit suliarineqarnissaanni aggersumi, ineqarnermut tapiissutini il.il. kiisalu tapiissutinut tunngasunik inatsisinut allanut atatillugu sammineqartussaammat.*

Inatsisisamut siunnersummik peqqissaartumik itisuumillu suliaqarsinnaanermut, ilutigisaanillu suliassaqfimmi allannguutinik amerlanerusunik pilersitsisinnaanissamut, ilutigisaanillu pisariillaasinjaanissamut inatsisiortut periarfissaqartikumallugit, tamatuma pisariaqarfigisaatut ersiuteqarfiusuni, kommunillu inatsisit allannguutaannik aningaasartutissatut missingersuusiani naatsorsuutigisaqareersinnaaqquellugit inatsisisssatut siunnersummi pineqartumi allannguutissat siusinnerpaamik 1. februar 2023-imuit atuutilersinneqarumaartut siunnersuutigineqarpoq.

*Akissut: Suliami ilanngunneqanngilaq. Siuliani allaaserineqartutut inatsisip atuutilersinnissaanik kinguartitsineq soraarnerussutisiaallit eqqorneqartut pissarsiassaqarnissaat akiliutinik appasinnerusunik piffissami sivisunerusumi kinguneqassaaq, tamannalu partiit akornanni 2022-imut aningaasanut inatsimmut atatillugu isumaqatigiissutaasimasunut akerliussaaq.*

Immikkut oqaaseqaatit:

§ 1-imut: Nalinginnaasumik oqaaseqaatit ataanni oqaatigineqartut innersuussutigineqarput.

§ 2-mut: Aalajangersagaq ersernerluppoq. Takuneqarsinnaasut naapertorlugit allannguut siunnersuutigineqartoq akiusut minnerpaaffissaata maanna atuuttup 50 %-ip 20 % -imut appartinnejcarneranik, kiisalu minnerpaaffissap taassuma aapparisap isertitaasa 400.000 kr.-it qaangeraangassuk atorunnaavinneranik kinguneqassaaq. Tamanna ersarissumik inatsisisssamut siunnersummi imaluunniit siunnersummut oqaaseqaatini nalunaarneqanngimmat

kissaatigineqarpoq ersarissumik oqaasertaliisoqarnissaa, kommunit innuttaasunik eqqortumik siunnersuisarnissamut maleruagassanillu atortitsinissamut periarfissaqaqqullugit.

*Akissut: Ilaatigut oqaaseqatigiit pingajuanni, § 17, imm. 3-lu siunnersuummiit peerneqarluni malinneqarpoq. Oqaaseqatigiit pingajui peerneqareernikuupput Siusinaartumik pensionisiat pillugit Inatsisartut inatsisaata allanngortinnejnarnera pillugu Inatsisartut inatsisaanni nr. 40, 23. november 2017-imeersumi, kukkanikkullu siunnersuummi tusarniaassutigineqartumi ilaasimalluni. Taamaattumillu aalajangersagaq taanna siunnersuummit peerneqarnikuuvog.*

§ 3-mut: Siunnersuummut nalinginnaasunik oqaaseqaatini oqaatigineqartut innersuussutigineqarput.

### 3. Tilioq

Tilioq siunnersuummut uunga: Utoqqalinersiaqarneq pillugu Inatsisartut inatsisaata allanngortinnejnarnissaa pillugu Inatsisartut inatsisissaattut siunnersuut, aamma siusinaartumik pensionisiat pillugit Inatsisartut inatsisaata allanngortinnejnarnissaanut siunnersuut pillugu tusarniaanermut akissutai.

Isumaginninnermut Suliffeqarnermullu Naalakkersuisoqarfip Tilioq qinnuigisimavaa siunnersuummut pineqartumut oqaaseqaatissaqaruni oqaaseqaateqaqqullugu.

Naalakkersuisoqarfip allannguutissatut siunnersuutaa tunngavigalugu imaattunik oqaaseqaateqarniarpuut:

Allannguutissatut siunnersuutini nutaani siusinaartumik pensionisiaqarnermut atatillugu annertussutit akiliutaasartut pensionisanut qaffasinnermut qaffanniarneqarmata, aamma aningaasat pensionisiaqartumit tiguneqartartut eqqarsaatigalugit aamma pensionisiaqartup apparisaata isertissinnaasai pensionisiassanit ilanngaassinnginnermi qaffanniarneqarmata iluarisimaarnartoq Tilioq isumaqarpoq.

Taamaattoq siusinaartunik pensionisiallip pensionisiassanik apparisap isertitaanik tunngavilimmik annertussusiliisarneq atorunnaarsinneqartariaqartoq Tilioq inassuteqassaaq. Aaqqissuussineq taanna naapertuutingitsutut isigineqarpoq, inuit innarluuteqartut sulisinnaassuseqanngitsullu apparisami isertitaanik taamaallaat isumalluuteqalersinnaammata. Tamanna akerliuvoq nunat tamalaat akornanni innarluutilinnut atatillugu isumaqatigiissutaasumut artikeli 28-mut, taanna qularnaarisummut inuunermik toqqissimasumik aamma isumagineqarnikkut. Ilanngullugulu inuit innarluuteqartut siusinaartunillu pensionisiaqartut apparisaminnik inooqateqarumallutik ineqatigliernissamut periarfissaarussinnaanerat aarleqqutigineqarsinnaavoq, appariit illugiillutik aningaasaqarnermikkut attanneqarsinnaanngitsumik inissimalersinnaammata. Tamanna innarluutillit pillugit nunat tamalaat isumaqatigiissummut – artikeli 23-imut, ilaqtariittut inuunissamut piginnaatitaanermut unioqquqtsinerussaaq.

*Akissut: Ilanngunneqanngilaq.*

*Aallarniutigalugu aalajangiunneqassaaq Naalakkersuisoqarfik isumaqanngimmat illugiilluni pilersuisussaatitaaneq Innarluutilinnut nunat tamalaat akornanni isumaqatigiissummi – artikili 28-imut naamminartunik inuussutissaqarnissamut aamma isumaginninnikkut toqqissimanartumik ilaqtariittut inuuneqarnissamik artikeli 23-imut akerliunngitsoq.*

*Ataatsimut isigaluni illugiilluni pilersuisussaatitaaneq inooriaatsit pioreersut assigiinngitsut akornanni naligiissitaanermik pilersitsiniarpoq, aappariittut katissimalluni inuusoqarnersoq, nalunaarsortissimasutut aappariittut inuusoqarnersoq imaluunniit inooqatigiittut katissimanermut assingusumik inooqatigiittooqarnersoq apeqqutaatinnagit.*

*Inuit marluk inooqatigiinnikkut aningaasartuutiminnik nammaqatigiittarneri iluaqutissartaqartartoq sivisuumik aallaaviusimavoq. Taamaattumillu katissimalluni aapparisap imaluunniit inooqatigisap isertitai inoqutigiit ataatsimut pilersorneqarneranni pingaaruteqartarmata.*

*Illugiilluni pilersuisussaatitaanermut malittarisassat aammattaaq siunnerfilersugaasumik akileraartarnikkut ikorsiissutinik aaqqissuussisarnermik qularnaarinissamik siunertaqarput.*

*Taamaakkaluartorli aningaasaqarneq killeqartorujussuuusinnaammat inuup pisortanit pilersorneqartutut inissisimaneratigut, naapertuilluanngitsutullu isiginiarneqarsinnaasarluni aapparisap aningaasaqarnerata aningaasaqarnermut sunniuteqarnera isiginngitsuusaarneqarsinnaanngilaq.*

*Tamanna isiginiarneqassaaq sukkulluunniit inuiaqatigiittut tulleriaarisariaqartarnerput tunngavigalugu akileraarutitsigut inuiaqatigiit isertitaasa qanoq pitsaanerpaamik atorneqarsinnaaneri eqqarsaatigalugit, inuiaqatigiittut aaqqissuussaanitsinni kikkut tamarmik periarfissaqartut tunniussaqarsinnaanerat apeqqutaasarmat, kiisalu aamma annikinnerpaanik pissaqartunut, ikiorserneqartariaqarnerusunut ikorsiissutit tunniunneqartussat siunnerfilerneqartarnissaat tunngaviusarmat.*

*Siunnersuut una, utoqqalinersialinnut aamma siusinaartunik pensionisialinnut, ikorsiissutit tunniunneqartussat qaffasinnerunissaat kisiat eqqarsaatiginagu pitsangorsaatinik kinguneqassaaq, kisianni aamma assigiinnik periarfissaqartitsinikkut siusinaartunik pensionisiallit saniatigut ilassutitut annerusunik isertitaqarsinnaanerisigut, ilanngaassisoqartinnagu, taamalu inuit taakkua pitsaanerusumik inissisimalersillugit.*

*Siunnersuullu una aamma Inatsisartuni partiit akunnerminni isumaqatigiissuteqarneri naapertorlugit aningaasanik immikkoortitsisoqarneranik aningaasanut inatsisisamut 2022-imut isumaqatigiinniarnernut atatillugu, tamatumuunalu aningaasaliissutinik immikkoortitsisoqarneratigut atuutilersitsinermik ersersitsisuovoq..*

#### **4. SIK**

Utoqqalinersiaqarneq pillugu Inatsisartut inatsisaata allanngortinneqarnissaa pillugu Inatsisartut inatsisisaattut siunnersuut, aamma siusinaartumik pensionisiat pillugit Inatsisartut inatsisaata allanngortinneqarnissaanut siunnersuummut atatillugu tusarniaanermi akissut.

Utoqqalinersiaqarneq pillugu Inatsisartut inatsisaata allanngortinneqarnissaa pillugu Inatsisartut inatsisisaattut siunnersuut, aamma siusinaartumik pensionisiat pillugit Inatsisartut inatsisaata allanngortinneqarnissaanut siunnersuummut atatillugu tusarniaanermut akissuteqarnissamut periarfissaqartitsisoqarnera SIK-p qujassutigaa.

utoqqalinersianut tunngaviusumik akiliutaasartut qaffanneqarnissaat, kiisalu aamma siusinaartunik pensionisiat qaffasinnerit qaffanneqarnissaannut siunnerfigalugu siunnersuut saqqummiunneqartoq SIK-p ilalersinnaavaa. Taamaalluni Siunnersuut utoqqalinersialinnut ukiumut 9.000 kr.-inik annertunerusunik aammalu siusinaartumik pensionisialinnut 5.600 kr.-inik annertunerusunik siusinaartumik pensionisialinnut qaffasinnerpaanik pisartagaqartumut pisartagaqartitsisoqartarnissaanik siunnerfeqarpoq.

Akiliutit tunniunneqartartut siunnersuutigineqartutut qaffanneqarnissaat assut pitsasuuvvoq, neriuutigisariaqarporlu aningaasanut inatsimmut atatillugu isumaqatigiinniarnissat aggersut suli ajunnginnerusunik inuaqatigiinni utoqqalinersialinnut utoqqalinersiaannarminnik isumalluuteqartunut akiliuteqartoqarsinnaalersitsinissamut inissaqartitsiumaartut. Utoqqalinersiat ukiumut 73.000 kr.-it sinnilaarlugit annertussusillit suli isertitatut annikitsuararsuartut isigisariaqarput, inuaqatigiinni inuuniarnermut aningaasartuutit eqqarsaatigalugit.

SIK annerusunik oqaaseqaatissaqanngilaq.

*Akissut: Naalakkersuisoqarfíup oqaaseqaatit nassiunneqartut qujassutigai. Oqaatigineqartut siunissami allannguiteqartitsisoqassappat isumaliutersuutissanut ilanngunneqarumaarput.*

## 5. KNIPK

KNIPK-p tigusimavai utoqqalinersiaqarneq pillugu lnatsisartut inatsisaata allanngortinnejarnissaq pillugu lnatsisartut inatsissaatut aammalu siusinaartumik pensionisiat pillugit lnatsisartut inatsisissaata allanngortinnejarnissaanut siunnersuutit pillugit tusarniaanerit.

**Utoqqalinersiaqartunut** utoqqalinersiat toqqammaviusut qaffanneri (grundbeløb) utoqqalinersiallu qaffasinnerpaat qaffanneqarneri kiisalu ilanngaassiffisanut ilanngaassinnerni aningaasat tigummiinnagassat qaffanneri.

**Siusinaartumik pensioneqartunut** inatsisip allanngortinnissaanut siunertaavoq toqqammaviusussat tunniussinnginnermi sillimmasiussat 38.000 kruuniniit 100.000 kruuninut qaffanneri isertitammi 400.000 kruunit ataaniikaangala20% ataallugu ilanngaatigineqarsinnaanngitsut.

*Akissut: Naalakkersuisoqarfík akissummut qujavoq. Torersumik pinissaq eqqarsaatigalugu erseqqissaatigineqassaaq siunnersuummi taamaallaat, siusinaartumik pensionisiaqartup, ilanngaavigineqarani saniatigooralugu isertissinnaasai aningaasat annertussusaat 10.000 kr.-ninik maanna annertussuseritinnejartumiit 28.000 kr.-niniit 38.000 kr.-ninut qaffanneqarmat. Pensionerisamik appaanissaq pitinnagu, siusinaartumik pensionisiallip inooqataata isertitarisinnaasaanut killiussaq, siunnersuummi tigummiinnarneqartut 100.000 kr.-iupput.*

*Siusinnerusukkut aalajangersakkami oqaaseqatigiit pinguattut ersersinneqartoq, 400.000 kr.-it ataallugit isertitaqartunut siusinaartumik pensionisiaqartunut 20%-inut killiliussamut tunngatillugu, siusinaartumik pensionisiaqarneq pillugu Inatsisartut inatsisaannik allannguineq pillugu Inatsisartut inatsisaatigut nr. 40, 23. november 2017-imeersukkut aalajangersakkamit peerneqareerpoq, tusarniaanermullu nassiunneqartumut siunnersuummi*

*kukkusqarneratigut ilanggutuugaalluni. Taamaattumik aalajangersagaq allannguutissatut siunnersuummiit peerneqarpoq.*

*Aammattaaq tamatumunnga akissut, tusarniaanermut akissut 3-miuttoq, takoqquneqarpoq.*

KNIPK-p taamatut allannguinissamut siunnersuummut soorunami tapersiivoq aammami 2023-mi allannguisoqartussatut siunnersuut imaqarmat.

**Taamaakkaluartorli KNIPK-p siunnersuummut allannguutissatut ilanngullugu siunersuutigerusuppaq lnatsisartunut utoqqalinersiallit, aammalu siusinaartumik pensionisiallit namminerlu isertitaqanngitsut tamakkiisumik pisartangaqalernissaat.**

Taamatut siunnersuuteqarnermut pissutaavoq utoqqalisut ilinniagaqarsimasullu ukiorpassuarnilu sulereerlutik soraarninngoraangamik atugaat aningaasatigut appariarujussuartarmata aappaasoq suli sulippat imaluunniit soraarnerussutisiaqarpat.

*Akissut: Ikkunneqanngilaq, tusarniaanermut akissut 3-mut, pilersoqatigiittussaatitaaneq pillugu akissummut innersuussisoqarpoq.*

Amerlaqaammi qinertarmassuk danmarkimut nuunnissartik.

**Siusinaartumik pensionisiat pillugittaamatuttaaq KNIPK siunnersuuteqassaaq innarluutilit suliffeqarsinnaanngivissortullu namminerlu isertitaqanngitsut tamakkiisumik pisarnissaat.**

Taamatut siunnersuuteqarnermut pissutaavoq innarluuteqalertut ilinniagaqarsimangaluarlutik sulereerlutik napparsimalerlutik annasaqarneq annertooq nalaattarmassuk. Ilaalu arlalinnik meeraqarsimatillugit pilersueqataasinnaanerat killeqalertarmat.

*Akissut: Ikkunneqanngilaq, tusarniaanermut akissut 3-mut, pilersoqatigiittussaatitaaneq pillugu akissummut innersuussisoqarpoq.*

Soorunami naliginnaasumik qaffaasarneq pissusissamisoorpoq akit qaffakkaluttuinnartut malillugit, kisiannili toqqammaviusut aamma nalilorsorluarnissaat allannguiinarnermi pingaaruteqarpoq siunissaq ungasinnerusoq eqqarsaatigalugu.

*Akissut: Naalakkersuisoqarfiup oqaaseqaat, allannguutissani aggersuni attuumassutilinni ilaatinneqarumaartoq, qujassutigaa.*